

廣文書局印行

易學叢書
張惠言易學十書
(上)

廣文編譯所編輯
清·張惠言著

張惠言易學十書

周易虞氏義·周易虞氏消息·虞氏易禮·
虞氏易事·虞氏易言·虞氏易候·周易鄭氏
義·周易荀氏九家義·易圖條辨·易義別錄

廣文書局印行

虞翻周易注釋文敘錄云十卷隋書經籍志云九卷翻字仲翔
會稽餘姚人少好學有高氣又善矛太守王朗命爲功曹朗之
敗於孫策翻時居父喪追隨營護到東部侯官說其長迎朗朗
遣翻還孫策復以爲功曹待以交友之禮多少匡諫策嘗納之
策攻黃祖翻從說華歆下豫章還至吳策曰孤有征討事未得
還府卿復以功曹爲吾蕭何守會稽其見委重如此出爲富春
長漢徵爲侍御史不就曹操爲司空辟之笑曰盜跖欲以餘財
污良家耶策薨孫權以爲騎都尉數犯顏諫權不能說又性疏
直數有酒失權嘗因醉手劒欲擊之大司農劉基固爭得免其
後權與張昭論神仙事翻指昭曰彼皆死人而語神仙世豈有
仙人也權遂怒左右多毀翻乃徙翻交州十餘年卒於交州翻

博學洽聞雖處罪放而講學不倦門徒常數百人爲周易論語國語老子參同契注解周易日月變例周易集林律厯太元明楊釋宋其書皆亾目在三國志傳及隋唐書志自漢成帝時劉向校書考易說以爲諸易家皆祖田何楊叔丁將軍大義畧同唯京氏爲異而孟喜受易家陰陽其說易本於氣而後以人事明之八卦六十四象四正七十二候變通消息諸儒祖述之莫能具當漢之季年扶風馬融作易傳授鄭康成康成作易注而荊州牧劉表會稽太守王朗潁川荀爽南陽宋忠皆以易名家各有所述唯翻傳孟氏學旣作易注奏上之獻帝曰臣聞六經之始莫大陰陽是以伏羲仰天縣象而建八卦觀變動六爻爲六十四以通神明以類萬物臣高祖父故零陵太守光少治孟

氏易曾祖父故平輿令成續述其業至臣祖父鳳爲之最密臣
以考故日南太守歆受本於鳳最有舊書世傳其業至臣五世
前人通講多玩章句雖有祕說於經疏濶臣生遇世亂長於軍
旅習經於枹鼓之間講論於戎馬之上蒙先師之說依經立注
所覽諸家解不離流俗義有不當實輒悉改定以就其正又奏
曰經之大者莫過於易自漢初以來海內英才其讀易者解之
率少至孝靈之世潁川荀諲號爲知易臣得其注有愈俗儒至
所說西南得朋東北喪朋顛倒反逆了不可知孔子歎易曰知
變化之道者其知神之所爲乎以美大衍四象之作而上爲章
首尤可怪笑又南郡太守馬融名有俊才其所解釋復不及諲
孔子曰可與共學未可與適道豈不其然若乃北海鄭元南陽

宋忠雖各立注忠小差元而皆未得其門難以示世荀諝者荀爽也是時少府孔融善其書與翻書曰自商瞿以來舛錯多矣去聖彌遠眾說騁辭曩聞延陵之理樂今睹吾子之治易知東南之美者非徒會稽之竹箭也又觀象雲物察應寒溫原其禍福與神合契可謂探索旁通者已翻之言易以陰陽消息六爻發揮旁通升降上下歸於乾元用九而天下治依物取類貫串比附始若瑣碎及其沈深解剝離根散葉暢茂條理遂於大道後儒罕能通之自魏王弼以虛空之言解易唐立之學官而漢世諸儒之說微獨資州李鼎祚作周易集解頗采古易家言而翻注爲多其後古書盡亡而宋道士陳搏以意造爲龍圖其徒劉牧以爲易之河圖洛書也河南邵雍又爲先天後天之圖宋

之說易者翕然宗之以至於今牢不可拔而易陰陽之大義蓋盡晦矣

清之有天下百年元和徵士惠棟始考古義孟京荀鄭虞氏作易漢學又自爲解釋曰周易述然掇拾於亡廢之後左右采獲十无二三其所述大氏宗禰虞氏而未能盡通則旁徵他說以合之蓋從唐五代宋元明朽壤散亂千有餘年區區修補收拾欲一旦而其道復明斯固難也翻之學既世又具見馬鄭荀宋氏書考其是否故其義爲精又古書亡而漢魏師說可見者十餘家然唯鄭荀虞三家略有梗概可指說而虞又較備然則求七十子之微言田何楊叔丁將軍之所傳者舍虞氏之注其何所自焉故求其條貫明其統例釋其疑滯信其亡闕爲虞氏義

九卷又表其大旨爲消息二卷庶以探噴索隱存一家之學其所未寤俟有道正焉耳嘉慶二年月日張惠言

凡經文釋文可考者從釋文餘悉依集解其有用他讀則注出之象象文言分附各卦以集解注文往往通屬貴使相次非虞本然注文采自集解其不自他書者則言其書

皇清經解

學海堂

克一

周易虞氏義

武進張編修

惠言著

周易上經

參同契云日月爲易虞君注云易字从日下月

彖上傳

象上傳

文言 虞氏注



乾下乾上

陽盈象天與坤旁通候在四月爻變成既濟

乾元亨利貞

子夏傳云元始也亨通也利和也貞正也文言注云乾始開通以陽通陰故始通義與子夏傳同乾

始者謂易出復初探噴索隱萬物資始故曰元以陽通陰六陽消息二五利見故曰亨利謂坤來入乾以成萬物美利利天下當位曰正二四上失位變而之正則雲行雨施天下平也

初九潛龍勿用

乾爲龍陽精變化之象文言注云坤亂於上君子勿用隱在下位

九二見龍在

田利見大人

陽息至二兌爲見故稱見龍易有三才初二地道地上故在田大人謂二有君德當升坤五時

舍於田之正體離物皆相見與五同義

九三君子終日乾乾夕惕若厲无咎注

謂陽息至三二變成商離爲日坤爲夕三四人道故不稱龍三得位故曰君子三

終下體故曰終日乾成泰盡否道將反三體復初接乾生乾故曰乾乾體坎爲惕厲危也泰否之際陽道危故夕惕若厲

正位故九四或躍在淵无咎四失位之正承五體坎爲淵震足動爲躍失位疑之故曰或得

无咎正故九五飛龍在天利見大人注謂四已變則五體商離爲

飛五在天三才五上爲天道故飛龍在天利見大人也文言注云日出照物物皆

相見謂若庖犧觀象於天造作八卦備物致用以利天下故曰

飛龍在天下天下之所利見也象曰大人造也故舉庖犧言之繫注云文王書經繫庖犧於乾

五是上九亢龍有悔窮高曰亢四已變體巽爲高震无咎者存乎悔明當之正也繫注云乾盈動傾

故有海用九見羣龍无首吉父不正則道有變動乾坤用九六所以立消息正六位也乾二四上

失正用九變成既濟商爲見坤爲羣乾爲龍爲首乾坤交商乾象不見故見羣龍无首乾道變化各正性命故吉也六十

四卦皆乾坤用九用六通乎二篇之爻也

彖曰大哉乾元

陽稱大

萬物資始

資取也荀氏云六十四卦萬有一千五百二十策皆受始於乾

也乃統天

統本也乾元立天之本

雲行雨施品物流形注已成既濟上

坎爲雲下坎爲雨故雲行雨施乾以雲雨流坤之形

坤爲萬

物化成故曰品物流形也大明終始六位時成時乘六龍以

御天

坎爲月离爲日乾鑿度日月終始萬物故曰大明終始六位六父之位初陽出震二息兌震春兌秋二四上

正坎冬离夏故曰六位時成六龍六陽也御行也六陽消息

周三百六十五日成歲四時乘六位以行乎天故曰時乘六龍以御天

乾道變化各正性命保合大和乃利貞

以乾通坤日變以坤

凝乾曰化乾爲性巽爲命大和乾元也既濟定剛柔

位當陰陽合德故各正性命保合大和乃利貞矣 首出庶

物萬國咸寧

乾爲首震爲出物陰陽之總名坤爲國爲眾爲安謂陽出震而陰靜易以陰從陽故於此首發

其義

象曰天行健

陽出震爲行傳曰君子尙消息盈虛天行也不曰乾而曰健就天行言之

君子以自強

不息注君子謂三

人道體天故謂

乾健故強天一日一夜過周一

度故自強不息老子曰自勝者強

勝任也

潛龍勿用陽在下也見龍在田德施普也

陽爲德息至一善終世不伐故施普

日乾乾反復道也

注至三體復故反復道謂否泰反其類也

乾息至三成泰泰成則反否三乾

或躍在淵進无咎也

進謂之正

乾體復初反其復道所以貞泰

五飛龍在天大人造也

造作也亢龍有悔盈不可久也

當變用

天道變化莫測其端也

文言曰元亨善之長也

乾爲積善始息於子首出庶物故長

亨者嘉之會也

會合也

乾通坤嘉美所合

利者義之和也

荀氏注云陰陽相和各得其宜

貞者事之幹也

舉

也位正

君子

乾六爻皆稱君子

體仁足以長人

謂初息震震爲仁爲諸侯故體仁足以長

人

嘉會足以合禮

乾以嘉美旁通合坤陽稱嘉坤爲禮

利物足以和義

陽稱物

坤來成乾和順貞固足以幹事謂之正既濟定坤爲事以乾

道德而理於義之五晉注云土性信故知貞君子行此四德者故曰乾元亨

利貞惠徵土云四者道也初九曰潛龍勿用何謂也子曰龍德

而隱者也不易世不成名震爲世陽爲名謂遯世无悶不見

是而无悶也坎爲遠陽隱故曰遯世坤亂於上故不見是悶憂

樂則行之憂則違之確乎其不可拔潛龍也注陽出初震爲

樂爲行故樂則行之坤死稱憂坤爲隱在坤中遯世无悶故

憂則違之也確剛貌也乾剛潛初坤亂於上君子勿用隱在

下位確乎難拔潛龍之志也九二曰見龍在田利見大人何

謂也子曰龍德而正中者也注中下之中二非陽位故明言

能正中也言變庸言之信庸行之謹二之正體震震爲言爲

體坎坎為孚為法言

閑邪存其誠宋仲子云閑防也二在非其位故以閑邪言之能處

中和故以

善世而不伐德博而化

乾善震世不居乾故不伐震寬仁地道廣博故德博

乾交坤

易曰見龍在田利見大人君德也

注陽始觸陰觸陰交坤

之當升五為君

此用荀氏義乾二當升坤五為君

時舍於二宜利天下直方

而大德无不利

坤二通乾即九二之德

明言君德地數始二故稱易曰

言變易

九三曰君子終日乾乾夕惕若厲无咎何謂也子曰

君子進德修業

注乾為德坤為業以乾通坤謂為進德脩業

忠信所以進德也

萬中為忠坎孚為信與初二為萬坎此終乾之事故所以進德

脩辭立其

誠所以居業也

震言為辭坎孚為誠與上坤為震坎此通坤之事故所以居業是謂反復道泰反否三反

復體謙艮

知至至之可與言幾也

否將至三至之謂夕惕若厲幾者動之微吉之先見

謂復初也

知終終之可與存義也

泰將終三終之謂終日乾震為言

成乾之性乾元常存故繫曰成性存存是故居上位而不驕

道義之門注引知終終之可與存義也

注天道三才一乾而以至三乾成故爲上夕惕若厲故不驕

也在下位而不憂注下位謂初隱於初憂則違之故不憂反

復道又故乾乾因其時而惕雖危无咎矣九四曰或躍在淵

无咎何謂也子曰上下无常非爲邪也上謂承五下謂應初

言邪進退无恆非離羣也上未變體與與爲進退君子進德

脩業欲及時也故无咎君子謂四進德脩業與三九五曰飛

龍在天利見大人何謂也子曰同聲相應注謂震與也庖犧

觀變而放八卦變謂日月消雷風相薄故相應也謂庚震辛

同氣相求注謂艮兌山澤通氣故相求也丙艮丁兌水流

溼火就燥注离上而坎下水火不相射戊坎已离雲從龍風

從虎注乾爲龍雲生天

內經云雲出天氣風出地氣

故從龍也坤爲虎風

生地故從虎也

雲坎也風巽也是謂天地定位此庖犧則象觀變六位之列所以摩剛柔也初震二巽貞

地位故同聲相應五艮上兌貞天位故同氣相求三貞下坎水流溼也四貞上离火就燥也天尊貞五坎體成於乾雲從龍也地卑貞二二巽位風從虎也此參天兩地之數妙萬物之本

聖人作而萬物觀注觀見

也聖人則庖犧合德乾五造作八卦以通神明之德以類萬

物之情五動成离日出照物皆相見故曰聖人作而萬物觀

也本乎天者親上本乎地者親下則各從其類也注方以類

聚

繫注云坤方道靜故以類聚

物以羣分

繫注云乾物動行故以羣分

乾道變化各正

性命觸類而長

繫注云觸動也

故各從其類

本天陽爻也本地陰爻也上乾下坤謂五正乾

道三百八十四爻資始消息

上九曰亢龍有悔何謂也子曰貴而无位高

而无民

繫注云天尊故貴以陽居陰故无位在上故高无陰故无民也

賢人在下位

繫注云乾稱賢

人下位謂初也。遯世无悶，故賢人在下位而不憂也。謂三反復初體乾元，潛龍上，盈入剝，初元遯世九三在下位而不憂也。謂此而无輔，是以動而有悔也。繫注云：謂上无民故无輔。乾立極上，故以爲戒也。案此爲潛龍勿用下也。見龍在田，時舍上戒耳。非謂乾龍有紂德也。

也。注

二非王位時暫舍也。

舍息也。惠士奇云：讀如命田舍東郊之舍。

終日乾乾行

事也。

進德脩業體天行坤爲事也。

或躍在淵，自試也。

上下進退自考其德業。

飛龍在

天上治也。

居上治下。

亢龍有悔，窮之災也。

亢龍雖正，猶災聖人知進退存亡，能不失正而

已。乾元用九，天下治也。

既濟定，惠徵士說以春秋元命包。潛曰：天不深正其元，不能成其化。

潛

龍勿用，陽氣潛藏，見龍在田，天下文明。

坤爲文，商爲明。

終日乾乾與

時偕行，或躍在淵，乾道乃革。

否泰之交，乾道革易。

飛龍在天，乃位乎天

德。亢龍有悔，與時偕極，乾元用九，乃見天則。

惠徵士說以乾，離爲見坎爲則。

鑿度曰：易六位正王度見矣。

乾元者，始而亨者也。注乾始開通以陽通陰